



## BRANCH OB MEETING VAWI 1-NA NEIH A NI (Section Inthlan hun atan Ni 12.1.2012 an ruat)

*Chanmari West, January 08 : Ni 3.1.2012(Thawhle) zan khan kum 2012 chhung atana Branch OB thlan thar te Pu K.Darthantluanga In, K-Section-ah a vawi-1 na atan an thukhawm.*

Meeting hi Pu T.Ngurkhuma, President CWBYMA kaihhrainain neih a ni a. Kumin 2012 chhunga Section kalphung/chungchang tur, YMAAW enkawltu tur leh kalphung bakah YMA kal chhoh dan tur chungchang rel a ni a. Kum 2012 chhung atana Section hruaitu tur OB thlanna Ni 12.1.2012(Ninga) zan Dar 6:30 hian neih tura ruahman a ni baw.

### Thurel tlangpui :-

#### 1. Section Chungchang :-

Kumin 2012 chhung hian section 5-ah inthen leh nise, section hming, area leh kaihhnawih chu kum hmasa 2011 a mi ang in kalpui leh nise tih a ni.

Section Inthlan leh kaihhnawih hetiang hian ruahman a ni baw.

i) Inthlan hun atan Ni 12.1.2012(Ninga) zan Dar 6:30.

ii) Inthlanna hi Secret Ballot Paper hmangin, poat by post a neih tur a ni.

iii) Inthlanna ah hian member 50 tal kal tlin nise tih rel a ni a, nomination mi 25 aia tamlo siamin, fllor atangin nomination mi 3 aia tamlo siam theih a ni baw ang.

iv) Section OB thlanna neih turah hian Section a OB post ngai a zawna kum 3 lo chelh tawhte chu an post ngai ah thlan nawn theih an ni tawh lovang.

v) Section OB atana thlanchhuah te hian inthlanna a R.O telpuina in committee member tur mi 25 aia tam lo, YMAAW Agent tur mi 1 leh YMA Chanchinbu Sub-Agent tur mi 1 an ruat ang a, heng an mi ruatte hi Ni 15.1.2012(Pathianni) ral hmian Branch Secretary hnenah theh lut vek turin committee chuan a ngen a ni.

vi) Inthlanna neih turah hian Branch OB atangin Section hrang hrang R.O tur hetiang hian ruat an ni a, heng R.O

atana ruat te hian an mahni puibawmtu tur P.O tul an tih zat an hruai thei baw ang.

CH-Section : Pu K.Darthantluanga  
 Fin.Secretary

K Section : Pu R.Lalmachhuana  
 Vice President

N-Section : Pu R.L.Thanhnuna  
 Secretary

T-Section : Tv.Zairemmawia  
 Asst.Secretary

V-Section : Pu C.Lalzarliana  
 Treasurer.

#### 2. YMAAW chungchang :-

Kumin 2012 chhung atan kan Branch YMA Chanchinbu 'YMAAW' chhuah chhunzawm leh nise, a enkawltu atan heng mite hi ruat an ni.

Editor : Pu J.Lalngliana

Joint Editor : Pu Lalchhandama

News Editor: Tv.Thangkuma

Tv.R.Lalringgheta

Tv. Jakob Lalrinsanga

Cir.Manager : Tv.Johny Lalthanpuia

Tv.EVL.Hruaitluanga

Pro Manager : Pu R.Lalmachhuana  
 Vice President.

Editorial Board te hi atul angin kum chanve-ah emaw ennawn leh nise. A man atan ` 80/- nise tih a ni. Editorial Board atana ruat thar te hian Ni 15.1.2012 Issue atangin hma lo la tan se tih a ni baw.

#### 3. Adviser & Sub-Committee :-

Kum 2012 chhunga Branch YMA Adviser tur atan heng mite hi ruat an ni.

1) Pu Lalbiakthanga Khiangte


2) Pu Rothuama


3) Pi Zamanthangi

4) Pu Lalrengpuia Sailo

Tin, kumin 2012 chhung atan Property leh Documentation Sub-Committee din nise, hruaitu tur chu Section inthlan zawhah la ruat nise tih committee hian a rel a ni.

## Branch News

 Ni 12.1.2012(Ninga) zana Section O.B turte thlanna neih turah memberte mahni Section-ah kal theuh turin kan in ngen e.

 Ni 4.1.2012(Nilai) zana Maubaw a In kang tanpui nan kan Branch YMA hmingin Rs 1000/-hlan an ni.

### RUANG CHHUAK

Pi C.Darhmingliani Kum 54 Lunglei Rahsi veng chu Ni 5.1.2012 khan Civil Hospital-ah a boral a, a ruang hi Pu C.Lalmuankima 'T' Section te In atangin thawnchhuah a ni.

### KEIMAHNI

Editorial ah thudang a lang baw nen thenkhat kan hun a lo tawp dawn takah chuan helai hmunawl hnawhkah nan hian thiamlo chung chungin kam hnih khat lek in thailang hram teh ang.

Thu ziak a ni emaw SMS a ni emaw a engapawh nise thu leh hla lama mi ril lo ber mai tena kan enkawl na ah tute paw emaw tute ril rem loh zawng emaw lo tarlan palh kan neih chang pawha phunnawi mai lova thu tha min hrilhtu mi tlemte chungah leh Br.YMA hruaitute chungah lawmthu kan sawi a. Thu kan tarlan takah te tu paw emaw lo sawi palh kan nei a nih pawhin chhiartute leh veng mipuite in mi ngaihthiamna kan ngen tak meuh meuh a ni.

A tawp berah chuan Kum 2012 chhung atana Editorial Board-te kum kalta aia hmasawn zawk leh tha zawka he YMAAW hi in enkawl theihna turin duhsakna sang ber kan hlan a che u.

### 2011 Editorial Board



#### TUNKAR CHANGVAWN

*I naupanna tumahin ngainep  
 suh se; thusawi kawngah te,  
 rinna kawngah te, thianghlimna  
 kawngah te ringtute tihmuhtu  
 ni zawk ang che.*

*I Timothea 4:12*

## Editorial Board

### Editor

RK.Rozidinga  
9436142304

### Joint Editor :

RK. Malsawmkima  
9862578441

### News Editor

Tv. Thangkuma  
9862303135

Pu Vanlalhluta  
9862366308

Tv. Vanlalfawna  
9856301975

### Cir.Manager

Johny Lalthanpuia  
9612359161

Jacob Lalrinsanga  
9612319779

### Production

Manager  
R.Lalmachhuana  
9436151817

## Branch Office Bearer

### President

T.Ngurkhuma  
9436190843

### Vice President

R.Lalmachhuana  
9436151817

### Secretary

RL.Thanhnuna  
9436152760

### Asst. Secretary

Zairemmawia  
9862385654

### Treasurer

C.Lalzarliana  
9436142049

### Fin.Secretary

K.Darthantluanga  
9436196071

### Advisers

Pu Lalbiakthanga

Khiangte

Pu Rothuama

Pi Zamanthangi

Pu Lalrengpuia

Sailo

## 2012 Thuvawn

**Iawmdan tur chu  
LALPA chungah  
nghat la, amah  
chu ring la a man  
a ti vek ang.**

### Editorial :

Kum alo thar leh ta a, kum dang ang bawkin mi tam tak chuan KUMTHAR THUTIAM an nei leh ngeiin a rinawm a, Mihring chu hmasawn zel tur kan nih avangin hma kan sawnna tur chuan tih tur hmachhawp eng engemaw duan lawk a ngai a, Kumthar Thutiam neih pawh hi hma kan sawnna kawng atan thil pawimawh tak a ni thei a ni.

Amaherawhchu Thu tiam hi thil awlsam ang reng tak ni mahse kan thutiam te tihlawhtling tur erawh chuan bawhzui ngai ve tho si a, tihlawhtling huphurh sa rân chungah thutiam neih te hi thutiam tihlawhtling lohna a nih bakah thutiama rinawm lohna a nih bakah keimahni leh keimahni kan intihniamna a ni thei a, chuvangin thutiam kan nei tawh a nih chuan tihlawhtling ngei tuma kan thutiam te kan bawhzui a tul tih i hre thar ang u.Mimal a ni emaw, pawl a ni emaw, Politics thilaha a ni emaw Kumthar lai leh kumthar lai lo pawhin thutiam kan nei tawh a nih chuan kan thutiam chu kan tihlawhtling theih ngei tura kan ngaih kan tiam tur a ni.

Chanmari West Branch YMA memberte pawhin he kumtharah hian YMA hmalakna tur kawng hrang hrangah leh YMA thiltumte kan phak ang tawh tawkah tih hlawhtling tum theuh turin intiam thar leh ila, thu mai nilo ataka hlawhtling ngei turin tan ila thar ang u. Keimahni ngei pawhin kan tihlawhtling theih tura kan ngaih mang loh thutiam neih thlakzen ringawt hian nakinah keimahni ngei min la vaw lêt leh thei tih hria a, fimkhur taka thutiam kan neih hi a tul a ni.

## Article : Pu K.Lalengmawia (Pu Enga) Kha.

- C.Sangpuia

Pu Enga leh kei hi chu hming pawhin kan in ko hman mang lova, kan inhmuh chang hian 'K Section them tlaw bera chu' tih leh anin 'Ch Section mihring lo ber' tih chu kan in biak hmasakna tlangpui a ni thin.

Pu Enga hi a hming alo pu zo hle in ka hria. A mah hi Pa ngo tak leh mi langsar veng vawng leh hmeltha tak pawh a ni hauh lova. An Nu tih loh chu hmeltha ti tu pawh an awm ka ring baw lo a. A hming dang leh chu Maumual Rambo ani leh nghal a, that vak ngaihna chu a awm lo a ni. Amaherawh chu a tum a ruh a, a rinawm a, a thil tihah a hlawhtling thin a ni.

Hla phuahtu chuan Lal Davida leh Hruaitu Mosia hi Lei Arsi lian an ti a, chutiang bawkin kei chuan Pu Enga hi Chanmari West Arsi lian ka ti ve tlat a ni. Pu Enga fam a chan ni khan khawtlang a thawng hle a, Chanmari West YMA-a a thawhpuite kan ngui hle a ni. Chanmari West YMA Arsi lian a herliam ni meuh chuan a herliamna hmun thlen hmasak tumin an tlan ta zung zung a, tumah thian tha leh unau an inzai hman lova, a tute mahin inbiak buaina hun an nei thei lo ani ber e. Motor remchang changah an tlan liam ta chur chur mai anih kha. A hmun zuk thlen meuh chuan Sairang Khawpui pawh a reh thuap mai zawng anih kha. Tumah engtizia nge ni ta a tia inzawh buai pawh a awm hek lo, mipui lah chu atam amakin an ding ngawi thup mai a ni. Chanmari West Branch YMA hruaitu te leh pawhin paw anti..... a ni mai lova an thinlung a kehsawm a ni tih hai rual lovin tu hmeh hmaiah pawh a lang nghal a ni.

Chumi hnuah Sairang YMA tawp chin nei lova mi tlawmngai ten kuang mawi tak minlo siam sak a. Thlahna hunserh Ropui taka an hman zawh tawh hnuah Motor tam takin a hnung lam leh hmalamah kan zui chhova, a In pui ngeiah arunrem dawhsangah a sakruang chu zalh alo ni a. Tlaivarin mipuiin kan zaipui a, hemi zan hian Chanmari West Branch YMA OB leh a thawhpuite thusawi thei tumah an awm lova, an dem awm love. Chhingmit luaithliin a lehkhah zel si a, a tawpah khua avar hnuin Branch Vice President Pu Valtea'n lungchhe takin tinna hun a siam thei chauh anih kha.

Pu Enga hi Salvation Army a ni a, an

pawlah hian atui lo a ni reng reng lova, Lal Isua duhdan tanpui ngaite tanpui kawngah zau zawka rawng a bawl theih nana thil tam tak angaihtuah avangin an Biakin-ah pawh a lang tlem deuh mai thei a. Amaherawh chu an Kohhran hi buaipui tlat se khawtlangah a lang tlem deuh pawh a ni thei baw. Chuvangin, Bengsika angaihtuah hnuah Kohhran Pawl Pakhat maia rawngbawl lovin, INDAIDANNA thiattu YMA chu a luhchilh ta a, khawtlang tan theih patawp chhuahin a inhmang thin ta a ni. Tanpui ngaite tanpuiin, Kristian Nundan tha te, hunawl nilo mahni hun pawimawh, chhhungkua tan hunhlu kalsanin, mi chhiat tawh ni khuaah zan lai eng ang pawh nise a kal chhuak a, mite tan a inhmang thin a ni. Chung chu alawm Vengtawp leh lam atanga leh lam kilkhawr thlenga mi hriat a hlawhna leh a enna tak chu. A hming a pu zo hle in ka hria a ni. Miin chhiatna harsatna an tawhin a kal hmasaah atanga, mite angin asirah athu ve mai mai ngai lova, hna hautak ber kuang siamtuah atang hman ziah baw a ni. Chanmari West mitthi kuang tam tak a siam a, thlan tam tak a lai a, thlan tam tak siamnah a tel ziah baw thin. Mahse, AMA KUANG ve chu a thian ten kan siam sak ve lo ani. Rilru ana duh hle mai.

Atan Branch YMA huntawp hman zan kha i hriat ve ka ring. A thawhpui YMA-te leh khawtlang Nu leh Pa te kan thahnem hlein ka hria, ralna leh thildangah alang a ni. A laiah ka thu a, ka sirah Baptist Upa te, dinglamah UPC engemaw zah, veilamah Salvation, hmalamah Presbyterian leh Kohhran dang dang kan thu kim hlein ka hria. A mah Pu Enga thiltum alanna ropui tak niin ka hre baw a ni. Zai a nuam a, tui takin Lalpa Pathian fak leh a Kohhrante tana a buatsaih ram ngaiin kan zai mup mup mai a nih kha. Zion Ram inlungualna tlang a entir berin ka hria.

Awle, tupawh hian kan zinna ram hi kan hawsan dawn a, reilote..... kan cham chung hian Pu Enga anga tanpui ngaite tanpuia mite tan Samari Mitha nih i tum theuh ang u.

<http://ymaaw.blogspot.com>

Email: [cwbymaaw@gmail.com](mailto:cwbymaaw@gmail.com)

**CHAWNGBAWLA**

✎ Krismas leh Kumthar hlim tak leh buaina liantham awm lo a an hmang thei chu lawmawm an ti a, chhungtinte kumthar chibai an buk.

✎ Duty te hman turin Pu C.Lalramdina chuan Rs.2000/- a pe a, Pu Lalchhandama Ralte in Rs 1000/- a pe bawk a, anni chungah hian section chuan lawmthu a sawi. Tin, phal taka duty na hmun tura a in hman tirtu Pu Vana hnenah lawmthu an sawi nawn leh. Taima taka duty te chungah lawmthu an sawi a, pu Lalrengpuia te chhung a tul anga lo buaipuitu te chungah lawmthu an sawi bawk.

**NEUVA**

✎ Ni 5.1.2012 (Ningani) zing khan section Committee neih a ni a, section inthlan chungchang a tih turte rel a ni.

✎ Ni 12.1.2012 (Ningani) zana Kum 2012 section hruaitu OB thlanna Pasaltha Neuva In a neih torah YMA member zawng zawng te kal vek turin an inhriattir.

✎ An hruaitu Kolkata zin leh Pu Lalchhandama N.Serzawl a zinte dam taka an lo haw leh thuai an duh.

✎ An hruaitu Pu K.Lalruaitluanga Patea Dawrpui a miin a boralsan chu an tawrhpu hle.

✎ Kum 2011 chhunga member tlawmngai ber Neuva Award dawngtur 9774569327 ah Thawhlehi ralhamin sms hmanga thlan tur a ni a, inthlan zana puan a ni ang.

**TAITESENA**

✎ Ni 3.1.2012(Thawhle) zan khan Duty khar a ni a, hemi hunah hian hruaitu thahnem tak an duty a ni. Ni 4.1.2012( Nilai) zingah Duty-na hmunhma tihfel hnatlang neih nghal a ni.

✎ Ni 12.1.2012 (Ninga) zan dar 6:30 hian Section OB thlanna neih tur a ni a, he hunah hian member 50 aia tlemlo kal a ngai a, member a tam thei ang ber kal tum turin an in ngen. Inthlanna hmun tur puanzar leh a ni ang.

✎ Vawiin (8.1.12) chawhnu inkhawmban hian Section Committee Secretary te inah neih tur a ni a, hruaitu zawng zawngte kim taka kal theuh turin an in hriattir.

✎ Duty na a thingpui lumsaktu Leader te chhungkaw chungah lawmthu an sawi.

**VANAPA**

✎ Tv Zodinmawia s/o R. Vanlalsawma, Damdawi Ina awm mek chu dam taka alo chhuah thuai an duhsak.

✎ Ni 6.1.2012(Zirtawp) zan khan section committee an nei a, Kum 2012 chhunga section hruaitu tur thlan dan tur chungchang hetiang hian an rel.

- a) Inthlanna hmun :-  
Pu H. Lalrawna te In
- b) Inthlan hun : Ni 12.12012 (Ningani) Zan dar 6:30
- c) Nomination List 1) Gordon Zosangliana 2) Hmingthansanga 3) PC Lalawmawia 4) Lalchhuanliana 5) Lalfakawma 6) H. Lalrammawia 7) H. Lalremtuanga 8) R. Lalremruata 9) R. Lalrinngeta 10) R. Laltanpuia 11) T. Lalremruata 12) PC Lalremkima 13) K. Lalmachhuana 14) Roluahpuia 15) H. Vanlalvena 16) R. Vanlalsawma 17) Vanlalmuanpuui 18) Vanlalhriata 19) VL Thakima 20) Zairemthanga 21) Zothankima 22) Zohmingliana Tlau 23) Zoar Lalrammawii 24) Lalnunhlma 25) T. Sangkhuma
- ✎ Inthlan zan hian Branch YMA Sport -2011-a an Champion chu an lawm dawn a, Players zawng zawngte lawman pek tur a nih avangin inthlanna kal ngei turin an inhriattir.
- ✎ Kum 2011-chhungin heng mite hian section committee an kal kim thei a, an lawmpui hle.
  - i) Tv R. Lalrinngeta
  - ii) Pu T. Sangkhuma
  - iii) Pu PC Lalawmawia
  - iv) Pu Roluahpuia
  - v) Ni Zoar Lalrammawii

✎ Section YMA Duty-na atana in phal taka hmantirtu Pu C. Ramparlina te chhung leh Electric pawh tirtu Pu Laldawngghlua te chhungkaw chungah lawmthu an sawi. Tin, duty na atana ei leh in leh atul anga hman tura sum leh pai petu te chungah lawmthu an sawi bawk.

✎ Dt 8th Jan 2012 (Pathianni) tlai dar 3:00 hian YMAAW semtute leh Mitthi Buhfai khawntu zawng zawngte Leader, Pu VL Thakima inah kalkhawm vek tur a ni, lawman tha tak pek an ni ang. Hruaitu zawng zawngte he hunah hian kim taka kal tur a ni, thla lak tur a ni e.

**KHUANGCHERA**

✎ Ni 6.1.2012 khan section

committee an nei a, thu pawimawh tak tak an rel a. Chawhlui buatsaihsaktu Pu Lalrinliana (section Leader) chungah lawmthu an sawi.

✎ Ni 12.1.2012(Ningani) zan dar 6:30 hian YMARUN ah section hruaitu thlan tur a ni a, member a tam thei ang ber kal turin an inhriattir. Ei leh in tuihnai tak buatsaih a ni ang.

✎ Kum 2012 hruaitu tur thlanna atan nomination (mi 25) siam a ni a, floor atangin mi 3 nominate theih a ni ang.

✎ Vengchhungah ui leh ar chhuah an tam leh tawh hle mai, hei hian thenawm khawvengte tan harsatna a siam tih hria a, mahni ranvulh te khuahkhirh turin an inchah.

✎ Section chhunga in sa mek te'n kawngpui dala bungrua dah lo tur leh kawngpui dunga hna thawk lo turin an inhriattir.

✎ Zirna leh eizawmna hna avanga veng chhuahsan tur zawng zawngte section hmingin duhsakna an hlan e.

**ZCC NEWS**

✎ AIR -a Rallu Lam Drama an chan chu zawh tawh niin, Bill pawh lakfel tawh a ni. Club member zawng zawngte Kum Thar Chibai an buk a, Club tana thahnemngai taka thawk zel turin an inchah.

✎ Ni 11.1.2012 (Nilaini) zan inkhawm ban hian Committee neih tum a ni a, hruaitute hunawl lo insiam turin an inhriattir.

**CVTTP NEWS**

✎ Ni 30.12.2011, zan dar 7:30 Pm khan charge inhlanna a nei a, charge inhlanna an neih zawh hian Kum 2012 chhung a an thawhpui tur Executive Member, Patron leh Adviser te an ruat nghal ani.

- (i) Patron : Pu T.Ngurkhuma
- (ii) Adviser : Pu H.Suana  
Pu F.Zosanga  
Pu Lallianzuala

✎ Library hawn hun :- CVTTP chuan Dt. 14th Jan 2011 hian Library a hawng leh dawn a, hemi rual hian Library ah a duh apiang tan Rs. 20/- in Registration a tih theih nghal ani. Library hi kum tin a lo tih dan thin angin Inrinni apiangin zing dar 9:30 am atangin tlai 2:30 pm thlang an hawng thin dawn ani.

✎ Ni 13.1.2012, zan dar 7:00 Pm hian Executive Committee an nei dawn a member te hun awl lo insiam turin an inchah a ni.

✎ Ni 14.1.2012 Library hawn ni hian Lehhabu thar thahnem taka hawh theih turin an tlangzarh dawn bawk.

YMA AW hi vengchhung chanchin thar hriatna hnar pawimawh tak a ni.

## THLALAK

Hunpui kan thleng leh ta. Mimal, thianho, chungkua thlalak duh tan koh theih kan ni e. Thlalak hlui pawh kan siam tha thei bawke.

Contact :-  
Lallawmpuia  
Chawngbawla Section  
C-38 C  
Ph:9862493128

(2-2)

## SPRINGDALE SCHOOL

ADMISSION NOTICE, 2012  
Admission Opened for  
2012 Session

NURSERY - CLASS : X

Nursery Class bik-ah  
Admission ti hmasa Seat 40  
chauh FREE a tihsak an ni  
ang.

Contact No :-  
2346306/9862812084  
9862336196

(2-6)

## E.V.A. Enterprise Vaivakawn, Hunthar Peng

SHARP company kutchhuak, TV-LED, LCD, FRIDGE, WASHING MACHINE, MICRO-WAVE OVEN, VACUUM CLEANER etc. man tlawm takin kan hrallchhuak ta chur chur mai, min dawrtu-te FREE GIFT, kan pe zel e. HOME DELIVERY kan tihsak thei bawke. Pan manhla tak a ni.

Contact :-  
8575571992/8974576343.

(3-3)

## ADMISSION NOTICE

Kum 2012 Academic Session atan Chanmari West High School ah CI-IX leh CI-X tan Ni 6 January 2012 atangin Admission hawn a ni ang.

Thla tin fee chawi a ngai lo a, Admission fee ` 300 chauh a ni.

Contact :-  
9862367795/9862357822.

(2-2)

## MISTIRI ASSOCIATION

Ni 30.12.2011(Zirtawp) khan Kum 2012 chhunga Chanmari West Mistiri Association hruaitu tur thlan a ni a, heng mite hi thlan anni.

President : Pu H.Lalthuama  
V.President : Pu R.Lalthantluanga  
Secretary : Pu Lalrinmawia Ralte  
Asst. Secy. : Pu Rohlupuia  
Treasurer : Pu Malsawma Chhinte  
Fin. Secy. : Pu Ronghaka

## CHHAR

Rangkachak zungbun chhar a ni a, a neitu chuan a awmdan chiang taka sawiin Ni 10.1.2012 ral hma ngeiin Ph no ah hian ngaihven theih a ni e.

Phone No. :- 9862569362

## SPOKEN ENGLISH

Kum 8 chuang experience tawh te zirtirna ah hian lo zir rawh le.

Class Timing :-

6:30-7:30, 7:30-8:30,  
10:00-11:00AM. 4:00-5:00,  
5:30-6:30-7:30PM

Class tan hun : 10<sup>th</sup> Jan, 2012  
Harvest Spoken English Centre  
Near Axix Bank, Chanmari  
Aizawl.

Contact :-  
2306789/9612135411  
9862381668

## ROYAL ENGLISH ACADEMY (Comprehensive)

Chanmari, Chaltlang Road.

Class - V to Class - X

Day leh Hostel

admission a tih theih e.

HSLC Result hnukung ber ah 100% pass a ni.

Contact :-  
9862375083/9612297127.

(3-6)

## LODESTAR SCHOOL

Admission Opened

For 2012 Session

KG-I to Class VIII

Free Admission for KG-I

Contact :

0389-2340281/9862711823

(4-4)

HEI TAH HIAN SMS LA

>>9862358337<<

Issue leh atang chuan a chung a Number tarlan ah hian SMS hi thawn thin tawh tur a ni e.

Karleh mai hian Section OB kan thlang leh dawn. Memberte he hun hi ngaih pawimawh theuh tum ila a tha awm e. Kumtlwana kan aiawh turte an ni tih hre reng chungin.

943614\_04

YMA leh Politics hi i kaihkawp lul lovang u. Kan hma lawkah hian Local Council kan thlang leh dawn a, YMA hruaitu he inthlanna a chuh ve tum kan lo awm palh a nih chuan YMA a kan nihna atangin i inthiarfihlim vat ang u.

986254\_21

Kristmas leh kumthar vuakveta sualna lama vengchung a fihlim ang khan he Kumthar ah pawh hian a fihlim theih nan mitin/chhungtin ten hma i la zel ang u.

879651\_30

Kumthar ruai theh (Presby.) kha khua a chhiat avang maia chungte chawhmeh kan suahsak nuaih nuaih mai kha chu a zialo hle mai. Tun hnuah chuan i ching tawh lo ang u. An kal peihlo a nih chuan in lamah eirawng lo bawl ve mai rawh se.

977894\_58

(SMS kan dawn te hi Ed. Bd ngaihndan a ni vek kher lo)

## NEW HORIZON SCHOOL OF EDUCATION Day & Residential School Admission Opened

for 2012 Session

Class I - XII (Arts)  
Special Features :

\* International Standard  
Digital Learning Technology  
hmanga zirtirna school

\* Offers Spoken English &  
Hindi

\* English Accent Training  
Class

\* Co-scholastic activities  
tangkai

ngah ber School

\* Kumtin Board Exam Result  
tha kan nei thin

Class hniam ber Class - I tan  
Free

Admission + free frock/trouser

Contact : (0389) 2346362  
9436141868 / 9612228372

(6-9)